

Благоволи́л еси́ Го́споди, зе́млю Твою́, возврати́л еси́ плен Ия́ковль. Оста́вил еси́ беззако́ния лю́дем Твои́м, покры́л еси́ вся грехи́ их. Украти́л еси́ весь гнев Твой, возврати́л еси́ от гнева́ я́рости Твоея́. Возврати́ нас, Бо́же спасе́нии на́ших, и возврати́ я́рость Твою́ от нас. Еда́ во веки прогне́ваеши́ся на ны, или́ про́стреши гнев Свой о́т рода в род. Бо́же, Ты обра́щ живи́ши ны, и лю́дие Твой возвеселя́тся о Тебе́. Яви́ нам Го́споди, ми́лость Твою́, и спасе́ние Твое́ даждь нам. Услы́шу, что рече́т о мне Госпо́дь Бог; я́ко рече́т мир на́ люди Своя́ и на преподо́бный Своя́, и на обраща́ющий серде́ц к Нему́. Оба́че близ боя́щихся Его́, спасе́ние Его́, вселити́ сла́ву в зе́млю на́шу. Ми́лость и и́стина срето́стеся, пра́вда и мир облобыза́стеся. И́стина от земли́ восия́, и пра́вда с небесе́ прини́че. Ибо Госпо́дь даст бла́гость, и земля́ на́ша даст плод свой. Пра́вда пред Ним предъиде́т, и положи́т в путь стопы́ своя́.